

**LUCAS PAETUS
IURICONS. DE
RESTITUTIONE
DUCTUS AQUAE
VIRGINIS**

Lucas Paetus






LVCAS PAETVS

I V R I S C O N S .

DE RESTITVTIONE DVCTVS

AQVAE VIRGINIS.



I V S Quartus Medices Pont. Max. cum plurimum ædificijs, publicisque operibus delectaretur, inter alia, de restituendo aquæductu fontis Virginis, opus a multis citra sæculis desideratum, cogitauit; cumq; de modo, & impensa tractaret, & quidam Architecti, calculo satis obscure inito, cum in multis subterraneis locis vestigia ductus nō apparerent, & longe aliter progredieretur, quàm ipsi designassent, opus xxiiij. millibus scutatis abūde perfici posse putassent, consilium tamē inuissent petere xxx. millia, sperantes, quod supra esset, eis lucro cessurum, ipsi quidē Architecti verentes id asserere, huic oblationi fiedæ quendam Antonium Triuissum Liciensem supposuerunt, hominem quippe satis temerarium, & qui Psyllorum more vsus fuisset, per uicos, & plateas circuire. Qui Principe

DE RESTITVTIONE

misit opus xxiiij. millibus perfecturum . Adinuentis interim quibusdam non minus confidentibus, ne dicam temerarijs fabris murarijs, qui opere inter se, designatis, diuisisque locis, repartito, xvij. millibus se illud perfecturos repromittebant, oblatis etiam sponforibus, quorum nomina Cameræ Apostolicæ, Romanoque Populo, Triuissus se cessurum asseribat, si fabris suo nomine pecuniæ numerarentur; demonstrauitque ita se cum lucro, & tutè opus ad finem producere posse. Res visa est Pontifici facilis, ideoque onus pecuniæ conferendæ diuisit, vt scilicet Pontifex ipse tertiam, tertiam & Clerus, & reliquum Romanus Populus conferret, voluitque & Pontifex opus hoc per Ro. Po. animaduerti, vt rectè, & secundum legem à redemptoribus perficeretur. Et exinde re in concionem deducta, visum est aliquibus opus expediri non posse, cū fontes, qui hodie sunt in loco nūcupato Salone, crederentur non esse illi, qui Aquam Virginem Romæ tribuissent, sed illi, qui ad salinas iuxta portam Trigeminam, quæ inter Auentinum, & Tiberim erat, aquam ab Appio Crasso, cui Cæco cognomen fuit, ductam exhibebant, moti cum ex vocis significatione (nam putabant Salonem à Salinis, vbi aqua terminabatur, corruptè dici) tum etiam ex dictis Iulij Frontini, qui satis apertè testatur, Appiam aquam concipi agro Lucullano, inter milliariū septimū, & octauū diuerticulo sinistrorsum passum septingentorum octuaginta, cuius etiam ductus vestigia adhuc hodie supra portam Capenam inspiciuntur. Cum idem de Virgine loquens, eam concipi via Collatia, ad milliariū octauum testetur. Quē Frontini locum, Cardinalis Triuissus testimonio comprobasse videbatur, qui eo Salonis loco pulcherrimam villam, & fundum instruxerat, & construxerat, & aquam illarum fontium Appiam esse su-

AQVAE VIRGINIS.

se supra ædes inscripserat. inde mihi, nescio qua re, de-
mandata cura, vt fontes, & loca diligenter inspicerem;
& in Senatu referrem. loco igitur fontium imprimis di-
ligenter inspecto, cui verba illa Frontini de aqua Vir-
gine conueniunt, cum de ea loquens ita inquit: Con-
cipitur ergo via Collatia ad miliarium octauum, palu-
stribus locis, signino circumiecto, continendarum sca-
ruriginum causa: collatoque Plinij loco lib. xxxj. c. iij.
qui de Agrippa loquens ita inquit: Idem & Virginem du-
xit ab octauj lapidis diuerticulo duorum millium pas-
suum Prænestina via: iuxta est Herculaneus riuus, quem
refugiens, Virginis nomen obtinuit: ac etiam inspecto
opere arcuato, & substructionibus, quæ Virgini a Fron-
tino attribuuntur, audacter retuli, et si subterranei specus
quibusdam in locis non apparerent, Virginem esse, & re-
duci posse. Et exinde electi viri nobiles Marius Frangipa-
nius, Populi Romani Cancellarius, Rutilius Alberinus,
& Horatius Narus, qui mecum onus subirent, & omnes
vna curarem, ut opus rectè, & sine fraude, ac quàm
citissime perficeretur; interimque pecuniæ collatæ Triui-
sio illi, & fabris murarijs distributæ, opus, præsidente ope-
ri Illust. Gabrio Sorbellono, Pij Quarti ex sorore nepo-
te, auspdatum est, vix tamen coeptum, tot inter Triuisciū
redemptorem, & fabros subredemptores discordiæ, & li-
tes exortæ sunt, ut tandem uisum sit nobis, concurrente e-
tiam Reuer. & Illustr. Io. Antonio Sorbellono Cardinali
Sancti Georgij, & Reuer. & Illustr. Benedicto Cardinali Lo-
mellino, tunc Cameræ Apostolicæ Clerico, Pontifici re-
ferre, opus ad finem perducere non posse, nisi ab eo Triui-
sius arceretur. Id Pontifex renuit, prætextu quod æquum
esset, Triuiscium operis auctore, illius debere esse perfectio-
rem, tantum per nos animaduerti, vt opus cito profique-

DE RESTITVTIONE

retur, & rectè. Triuifio igitur opus intricare prosequente, mortuus est Pontifex, creatusque est Pius V. Ghislerius Pontifex omnium optimus, qui etsi animarum saluti consulens, ad morum prolapsorum correctionem, & ad bene, beateque uiuendi institutionem, summo studio, totisque viribus intenderet, publica tamen opera non negligens, huius ductus prosequendi curam Reuerendissimo & Illustriss. Ioanni Riccio Cardinali Politiano præcipuam demandauit, qui (cum interim Triuifius ille miserè admodum diem suum obiisset) reintegrato negotio, vocatis compluribus Architectis, cognito quod fere dimidium operis peragendum supererat, & quod alia decem millia perfectioni sufficere crederetur, cum illa viginti quattuor millia, & plura a Triuifio consumpta fuissent, re ad Populum relata, alia decem ex uini uestigali redigenda, huic operi à S. P. Q. R. applicata sunt, cum quibus opus curantibus Horatio Naro, & me Luca Pato, adhibitis Iacobo à Porta, & Bartholomæo Gripto Architectis, perfectum est; correctis quibusdam, quæ ab antiquis animaduersa non fuerant; Primum quia aqua fontium, qui tres sunt, cum acquisitionibus, quæ intra ductum oriuntur, uisa est satis, superque esse aquæductui, & formæ præsertim in ductu arcuato, Herculaneum riuum, qui uerè loco palustri; & ima in ualle ultra fontes consurgit, reiiciendum putauimus, & adiacentibus agris, & prædijs relinquendū: & cum ex inde ductus aquæ substructione, per mediam uallem palustrem, longo circuitu ad montis radices, ubi subterranea forma initium capit, perueniret, usi breuiore uia, per fossō monte, durissimi Tosi, Scabri, qui inter primam fontem, & duas alias interfurgit, & ubi turris assurgit, quo in loco forsan Virginis ædícula fuit, de qua meminit Frontinus, rectè ferè uia, iam nō amplius per loca palustria, sed per montis radices

AQUAE VIRGINIS.

radices, fontes coniunximus, & ad specum antiqui ductus perduximus. quo factum fuit, ut ubi antea aquæ pluuiiales, a montibus descendentes parietibus substructionis inherentes, ipsos parietes, non sine aquæ detrimento corrumpebant; hodie cum iuxta radices montium riuo subterraneo perducatur, aqua pluuiæ ad ima supra ductum prolabatur; sicque incorruptam aquam, & illesum ductum longo ævo putauimus conseruari posse. in ea etiã subterranea specu, nouoque ductu conficiendis, venæ multæ eiusdem bonitatis, cuius & fontes, acquisitæ sunt, ita ut riuus Herculanæus amplius à ductu, in arcuato opere capi non potuisset, construi etiam curauimus in initio montis, de quo supra, fenestram emissariam, vt si quando in ductu, (vt sæpe contingit) vitium fieret, aqua paruo negotio auerti posset, & ductus emendari: quod non solum ibi, sed etiam in initio eius substructionis, quæ est in loco, vbi nunc dicitur Bucca leonis, qui locus etsi Frontini tempore totus substructionis esset, vt etiam hodie uestigia demonstrant, per nos tamen etiam arcuato opere est restitutus, ut pluuiæ aquæ, & scaturigines quædam, quæ ibi sunt, facile subter labi possint. sed & alterum, & tertium emissarium in initio operis arcuati, magni iuxta Anienem a sinistris confici fecimus; ex quibus paruo negotio, repagulis demptis, ductus omnis purgari poterit, & in cõtinenti restitui. cumque aquæ Crabræ pars, quam nunc Maranellam appellant, quæ per ima agri Nobiliũ de Rusticis pertransit, non nihil antea aquæductui nocuisset, nos ponte supra aquæductum facto, eoque stratis silicibus munito, per eum illeso ductu, eam aquam Crabram, & pluuiæles transmittendas curauimus; alio etiam ibi supra ductum ponticulo cõstructo, & strato, per quem fontes quidam, qui in ea valle consurgunt, unde Appiam aquam

DE RESTITVTIONE

Romæ ductam fuisse facile comprobare possem, sine ductus lesione, aut aquæ uitio commodè pertranseant. rursus etiam quia re ipsa compertum fuit, opus arcuatum pluries fuisse emendatum, eo quia parietes, qui aquam supra fornices, seu arcus continebant, tenuiores, quàm res desiderabat, facti fuerant; nempe crassitudinis sesquipedalis, siue duorum palmorum nostri temporis, quo fiebat, ut illis, pondus aquæ pandere conantis, sustinere nequeuntibus, ductus uitaretur, ideoque illi primo parieti, & alterum eiusdem crassitudinis adiunxerant, qui cum priore non conueniens (nam in parietibus nouum cum ueteri non conuenit) maius uitium fecerat, internascentibus caprificis, ederis, terebinto, rubis, & alijs arboribus, & fruticibus parietes corrumpentibus. Nos igitur destructa parte omni superiori usque ad imas fornices, parietes hinc & hinc crassitudinis palmorū quattuor, crusta intrinsecus coctis lateribus fieri curauimus; opusq; pilis cemētitijs; hinc, & hinc distātes inter se palmos plus minus sexaginta muniri fecimus; & ut stabilius esset opus, & ne parietes aquam continentes, aquæ & fornicum superimpositarum pondere panderentur; inter quasque pilas catenas ex lapide Tibertino annecti curauimus. insuperque cum in reperiendis puteis, unde ductus purgari posset, multum, & diu per nos laboratum fuisset, nempe quia subterraneus ductus, nullis tunc supra terram uestigijs apparentibus modo hinc, modo illinc nulla ratione se uertit, iussimus aliquot angulares puteos, supra terram altitudine palmorum decem extolli, & cōfornicari, paruo foramine in summitate relicto, unde aquæ spiritus exalare possit, reliquos uero per palmos quattuor infra terram fornice muniri, & operiri curauimus; sicque ductus, Deo Optimo Maximo adiuuante, restitutus est, aquaque ad Triuij fistulas

AQVAE VIRGINIS.

stulas XVII. Cal. Septembris, anno a Seruatoris nostri natali sesquimillesimo septuagesimo magna omnium lætitia perducta est : triplicique ibi emissario (usque dum in fontes per Urbem dispenseretur) per Cloacam, inibi data opera nuper exstructam, in Tiberim, ne Ciuitati noceret, transmissa est. non tamen prius perducta est, quam Optimus Princeps de eius bonitate a peritissimis medicis, per quos omne experimentum fieri iussit, certior factus fuisset. decreuerat enim Sanctissimus Pontifex potius omne impensum amitti debere, quam aquam ducere; si, ut quidam illi falso suggererant, corporibus saluberrima non esset. Libet hoc in loco, ut error omnis ex mente titubantium excutiat, & plena huius aquæ ductus, & unde nomen Virginis assumpserit, & quo itinere ad Urbem perueniat, & unde acquisitiones illi accedant, notitia habeatur; loca Plinij, & Frontini, de Aqua Virgine loquentium, recensere, & quæ ego uidi, referre, ut alterius hæsitati loci non relinquatur. uerba Frontini sunt hæc (loquitur autem de Marco Agrippa, qui anno ab urbe condita, ut ipse paulo ante dixerat, septingentesimo decimo nono, Imp. Cæs. Aug. & M. Lælio Volcatio Coss. aquam Iuliam duxerat) Idem, inquit, cum iam tertium Consul fuisset, C. Sentio Sp. Lucretio Coss. post annum xiiij. quam Iuliam deduxerat, Virginem in agro quoque Lucullano collectam Romam perduxit. Dies quo primum in Urbem responderit V. iduum Iunij. inuenitur, Virgo appellata, quod quærentibus aquam militibus, puella uirguncula quædam uenas monstrauit, quas sequuti, qui foderant ingentem aquæ modum inuenerunt: ædicula fonti appositæ, hanc Virginem pictura ostendit. Concipitur ergo uia Collatia ad miliarium octauum, palustribus locis,

DE RESTITVTIONE

cis, signino circumiecto continendarum scaturiginum causa, adiuuatus ex compluribus alijs acquisitionibus. uenit per longitudinem passuum xiii. millium centum quinque ex eo riuo subterraneo passuum xj. millium octingentorum sexaginta quinque, supra terram, per passus mille ducentos quadraginta, ex eo substructione riuorum locis compluribus passuum quingentorum quadraginta opere arcuato passuum septingentorum, acquisitionum ductus riui subterranei efficiūt passus mille quadringentos quinque. Hæc ille. Ex his manifeste dignoscitur Agrippam primum huius aquæ inuentorem, & ductorem fuisse, quod & testatur Plinius lib. 31. c. 3. qui ante Frontini tempora uiguit. is enim tempore Vespasiani, ille uero Neruæ scripserunt. ait enim Plinius de Agrippa loquens, ut & supra retuli, idem & Virginem adduxit, ab octauo lapidis diuerticulo duum millium passuum, Prænestina Via, iuxta est Herculaneus riuus, quem refugiens Virginis nomen obtinuit. hæc ille, qui & de ea iterum lib. 36. c. 15. meminit, in distantia ab Vrbe (ut uides lector candide) conueniunt, ambo enim ab octauo lapide testantur, nec in uia discrepant, quamuis Frontinus testetur de Via Collatia, Plinius de Prænestina, quia Plinius non in uia, sed diuerticulo a uia duum millium passuum, ut res ipsa etiam hodie indicat, asseruit; Via autē alia, quæ hodie iuxta fontes pertransit, & ad uicina prædia ducit, Collatiam appellatam fuisse crediderim, usque dum de alia constet: sicque & in loco conueniunt, de nominis origine, siue unde virginis nomē assumpserit, aperte discrepant. in quo ego magis Frontino, qui de his principaliter tractauit, cura sibi ab Imperatore iniuncta, quam Plinio, qui perfunctorie, & incidenter de ea locutus est, assentio; ceteri credent, quod eis magis arridet. Nunc, quæ uidi

AQVAE VIRGINIS.

uidi, referam. Ductus subterranei, de quibus meminit Frōtinus, incipiunt ad radices montis, ubi aqua primum ex loco palustri, & substructione egrediens specum ingreditur, & exinde recta fere linea, continuatis per totum aquæductum puteis, interuallo a Vitruuio lib. 8. c. 7. præfinito, nempe ut intra duos actus inuicem distent. quod spatium est palmorum nostri temporis CCCXX. nec ullus eam metam egreditur, peruenit iuxta prædium, quod est in agro Nobilium de Rusticis, ubi facto angulo discedit ad ima, quo in loco, idest in ima ualle summitas aquæductus solo fere equalis est. Hoc in loco inuenimus antiquos supra plumbi laminam extensam, propter loci instabilitatem ductus fundamenta iecisse, & super ædificasse. Ab hoc loco subterraneo riuo continuato ad alteram uallem in agro Nobilium de Cassalibus peruenit, ubi nunc dicitur Bucca leonis, eo quia a triginta annis citra fonticulo cuidam inibi non longe ab aquæductu exorienti, marmoreum caput Leonis, ex cuius ore aqua profueret, & commodè hauriretur, ab agri domino, appositum fuit; quod marmor nos aquæducti inseruimus, ut inde aqua profluens in uicinorum prædiorum cōmodum hauriri possit; quo in loco substructione, & modico opere arcuato, per nos, ut dixi, facto, eā uallem pertransit, indeque continuato subtus proximum montem riuo subterraneo, ad proximam uallem agri Monachorum Sancti Pauli peruenit. unde longa substructione ad alterum proximum montem perducitur, & inde rursus subterraneo specu, a dextris progrediendo, non modico itinere uiam Tiburtinam intersecat, rursusque a sinistris, iterumq; a dextris progrediendo iuxta Anienem se ostendit. unde opere arcuato ad alium proximum montem, & inde per specum riuo subterraneo

uia

DE RESTITVTIONE.

uia Nomentana interfecata, ad aliam proximam uallem, & inde alio arcuato opere ad proximum montem, & exinde, Salaria uia pariter interfecata, per collem hortulorum subtrus amenissimum uiridarium, amplissimumque ædificium Reuerendissimi & Illustrissimi Cardinalis Politiani intra Urbem perducitur. quo in uiridario iuxta puteum aquæductus hinc, & hinc lapidibus Tiburtinis Cippi seu Termini formam habentibus, inscriptiones istæ inuentæ sunt.

VIRG
TI. CAESAR. AVG
PONTIF. MAXIM
COS. V. IMP. VIII
I
P CCXL

VIRG
TI. CLAUDIUS
DRUSI. F. CAESAR
AVG. GERMANICVS
PONTIFEX. MAXIMVS
TRIBVNIC. POTESTAT. IIII
COS. III. IMP. VIII. P. P
I P CCXL

Hæc Neque, ut dixi, aquæductus uia est longitudinis a Frontino descriptæ: nepe passuū xiiij. milliū. Acquisitiones quoque, de quibus Frōtinus meminit, perquisiui. nā fere omnes huius ductus subterraneas partes, partim equester, ubi multa aqua nō erat, partim pedester, ubi sicco pede ambulare licuit. partim uero nauicula, ad id accommodata, ab hominibus tracta, ubi riuus nauigabilis fuit, diligenter inspexi, inuenique in inirio montis, quæ primū fontes subeūt, non longe ab ingressu, hinc & hinc ductus acquisitionum factos fuisse, latitudine palmorum fere decem, altitudine palmorum nouem, cuius longitudinem inuestigare nō ualui, cum limo ad altitudinē palmorū quinque repleti essent, ex quibus hinc, & hinc aqua in aquæductū pro-

AQVAE VIRGINIS.

profluebat, non tamen multa, & ab his non longe quatuor alij cuniculi, duo hinc, duo illinc, contra inuicem ex diametro, latitudine palmorum circiter trium singuli, altitudinis palmorum septem fere, ex quibus etiam aqua, licet modica in ductum profluit, de quibus arbitror sensisse Frontinum dum ait acquisitionum ductus subterranei efficiant passus mille quingentos quinque, sed in monte, quem dixi extare inter uallem agri de Rusticis, & agrum Buccæ leonis nuncupatum longe maiores, quàm alibi acquisitiones inueni, non quidem ductas per cuniculos, aut specus, sed in ipsius aquæductus lateribus hinc & hinc passim scaturientes, ut fere ex illis quinta pars totius aquæ, quæ ad urbem ducitur, efficiatur; & tandem in toto ductu, duobus montibus exceptis, uno uidelicet, unde aqua in maius arcuatum deducitur, & altero, a quo aqua a dicto opere arcuato exiens recipitur, & in aliud opus arcuatum traicitur, in quibus ne gutta quidem aquæ scaturit, acquisitiones quamplurimæ exoriuntur, quibus acquisitionibus fontes adiuti optimam aquæ copiam in Urbem ferunt. Initio igitur, & statu ipsius aquæductus cognito, remanet, ut recenseam, quoties inueni aquæductum hunc corruptum fuisse, & restitutum. Et quidem opus arcuatum destructum fuisse a C. Cæsare, & a Ti. Claudio restitutum, monumentum, quod in Pincio monte, & hortis tunc Angeli Colorij iuxta puteum aquæductus repertum fuit, aperte demonstrat: cuius hanc fuisse inscriptionem, Andreas Fuluius de aqua Virgine loquens, uir sane doctus, & rerum antiquarum peritissimus, testatur. Ti. Claudius Drusi F. Cæsar Aug. Germanicus Pontifex Maximus Trib. potes. V. Imp. XI. PP. Cos. des. iiij. areus ductus aquæ Virginis disturbatos per C. Cæsarem a fundamentis nouos fecit, & restituit.

Dein-

DE RESTITVTIONE.

Deinde a Longobardis aquæductum directum crediderim, nam Adrianus primus patria Romanus Pontifex Maximus, domitis iam afflictisque Longobardis, anno à Christi Seruatoris nostri Natali circiter **DCCLXXVI.** vt Platina refert, Virginis aquæductum, cum alijs vrbis aquæductibus restituit, quem non multo post dirutum, in tanta rerum, quæ successit, calamitate credendum est, nec ulterius restitutum fuisse, inueni, nam quod legitur in inscriptione, quæ ad publicas Triuij fistulas apposita est, Nicolaum quintum Aquæductum Virginis restituisse, id à via Salaria citra factum fuisse intelligo, unde acquisitiones, & scaturigines, quæ ad nostra usque tempora fluxerunt, initium sumunt. Nam si Nicolaus opus arcuatum restituisset, ductumque purgasset, non ita, ut à nobis inuentum est (uix annorum centum spatio intercedente) nullis vrbis obsidionibus intermedijs, quantauis hominum negligentia dirui, & aboleri potuisset. hætenus de his.

*Viri Offici Carmina
 Virginitas etiam Celar promissus, Porrigita
 Dulcia, Sentiunt, Virginitas laudat
 Hæc ad Vno noio Miramur splendore, Quas
 Quas Pius et Magna carod Reduci hanc
 Virginitas, ad Vno noio noio diuici Quinetas
 Hæc ad Vno noio noio noio noio
 Et Virginitas*

